

tur: atque ita binas illis etiam constellationes attribuit, nimirum Kio & Cang. Sub prima Imperiali familia Hiaa Hiao dicta est, ad quam ejusdem familiae Imperator Chungtingus Regiam transtulit, ac licet Imperatores postmodum sedem mutarint, semper tamen urbs Regem habuit, & ex Taiminga familia maximus regulus, & quamplurimi e Regio sanguine inhabitant. Regum tempore Guei regni caput erat, & tunc urbs Taleang dicebatur, Tanga familia Piencheu vocavit, sub Utaï erat regni Leang regia, & Leangcheu nomen habuit, sub Kina familia Nanking, hoc est regia Australis, sub Juena Pienleang, hodiernum illi nomen dedit Taiminga familia. Territorio suo quatuor supra triginta includit civitates, 1 Caifung, 2 Chinlieu, 3 Ki, 4 Tunghiu, 5 Taikang, 6 Gueixi, 7 Gueichuen, 8 Jenlin, 9 Fukeu, 10 Chungmeu, 11 Jangúú, 12 Juenúú, 13 Funkieú, 14 Jen-cin, 15 Laniang, 16 Chin o, 17 Xangxui, 18 Sihoa, 19 Hiangching, 20 Xinkieu, 21 Hiú o, 22 Linyú, 23 Siangching, 24 Jen-ching, 25 Changco, 26 Ju o, 27 Sinching, 28 Mie, 29 Ching o, 30 Jungyang, 31 Jungce, 32 Hoin, 33 Súxui, 34 Ifung. Inter has Sinching Hoangtii secundi apud Sinas Imperatoris natalibus illustris est.

Innumera superba ædificia, turres, sepulchra, ac palatia continet urbs, supraque decem superbissima heroibus dicata templa; ad Chin civitatem viridarium seu nemus est muro cinctum, in quo palatia, aulae aliaque ad oculorum animique oblectationem spectantia, inibi cubiculum est arte factum, quod adscititio frigore calores omnes æstivos facile eludit.

*Montes
nobiliores.*

Y collis est intra mœnia peramœnus, hortis, nemoribus, ac ædificiis publicis privatisque celebris: Xeu mons prope Siangching laudatissimus à Sinis, cui pulchritudine, superstitiosa illa scilicet apud eos configuratione, ac situ nullum existimant toto orbe reperiri æqualem, primus omnino is est in libris Fungxui, qui de montium felicitate ac sorte tractant.

Kicu mons Sinching vicinus est, in quo caverna exornata cernitur ab Hoangtio, quem Imperatorem in ea æstivo tempore habitare solitum ferunt.

Flumina.

Kinxui fluvius, & Pa, & Ju, & Croceus, & Xeleang & Pien alique non Paaii amnes urbis hujus territorium irrigant. sunt & duo Si lacus parvi, unus quidem ad occasum civitatis Hiu, alter vero ad Jenling. sunt &

alii duo lacus exigui, Lieu dicti à salicibus, quibus abundant, unus Chin civitati vicinus est, alter Sinchin.

Est & Kinming lacus seu Naumachia ad urbis occasum, quam Sunga Imperatoria familia exstruxit, ad navalium præliorum exercitationem: in ea Taiçungus milites egregie probare fuit solitus, lacus est plane amœnissimus, multis palatiis & idolorum fanis spectandus: ibi ubique erecta videntur marmora poetarum carminibus inscripta in lacus laudem. Sunt & alii lacus minores, unus Tungmuen dictus ab aquæ pelluciditate, quodque nullus in ea nascatur muscus aut herba. Chin civitati vicinus est.

Putien lacum, omnium maximum in hac regione, Chungmeu civitatis tractus continet. est & fons præclarissimus in Ju civitatis montibus.

Secunda Urbs

Q V E I T E.

AD Boream Croceo, ad Austrum Hoai ingentibus fluminibus totus hujus urbis clauditur districtus, eaque est illius nobilitas & præstantia, vix ut ulli cedere debeat in hac provincia: fertilitate glebæ, ærisque salubritate inclytus est. Sub Yvo Imperatore eandem cum Metropoli sortitus est divisionem, nobilitas vel inde patet, quod ea in urbe Sung Reges regalem habuerint sedem. Regum tempore hic tractus inter tres Reges Ci, Çu & Quei divisus fuit; sed Cina familia his omnibus deletis Xangkieu illum vocavit, Hana Ciu-yang, Sunga Ingtien, hodiernum nomen Utaï dedere reges: novem præest civitatibus, quæ omnes magna rerum copia abundant, populoque frequentes sunt, 1 Queite, 2 Ningling, 3 Loye, 4 Hiaye, 5 Jungching, 6 Júching, 7 Ciu o, Hiaoching, 9 Xeching.

Poma aurea hic sunt omnis generis, ac præcipue granata præstantissima, à quorum copia ac præstantia ultima civitas nomen habet Xeching, quasi dicas pomorum granatorum mœnia. Supra lacum Nan ad urbis Australem partem pons est quadrato structus lapide, alterque illi non absimilis extra mœnia civitatis Jungching; fana tria heroibus dicata reliquis nobiliora numerat.

Rarissimos ac parvos habet montes planissima hæc regio, de quibus nihil admodum rarum occurrit apud Sinicos Geographos.

*Montes
insigniores.*